

ACTA DA XUNTANZA ORDINARIA DO CONSELLO PARROQUIAL DE CABEIRO, QUE SE CELEBROU O DÍA 9 DE ABRIL DE 2014

ORDE DO DÍA

- 1 Aprobación, no seu caso, da acta anterior
- 2 Dar conta dos orzamentos participativos do ano 2013
- 3 Aclarar 3 preguntas que se realizaron no anterior consello
- 4 Fixar os meses nos que se realizará o consello parroquial
- 5 Varios

No Centro Cultural de Cabeiro, sendo as vinte horas e dez minutos, do día nove de abril de dous mil catorce, previa convocatoria e baixo a Presidencia, por delegación do Alcalde, da concelleira ANA MARIA ALONSO ALONSO reuníronse os/as seguintes representantes:

DOS GRUPOS POLÍTICOS MUNICIPAIS:

INÉS BASTOS ALONSO, representante do grupo municipal do PSdeG – PSOE

MARÍA ÁNXELES BABARRO FERNÁNDEZ, representante do grupo municipal do BNG

PAULO MEDAL FIEL, representante do grupo municipal de AER

DAS AA.VV.:

MANUEL BASTOS BASTOS

CONSTANTE ÁLVAREZ ÁLVAREZ

DAS ASOCIACIÓN CULTURAIS:

AMANTE ROMERO ÁLVAREZ

DAS ASOCIACIÓN DEPORTIVAS:

CESÁREO ÁLVAREZ LAGO

MANUEL FERNANDEZ ÁLVAREZ

DA COMUNIDADE DE MONTES:

SABINO AMOEDO DACOSTA

DA ASOCIACIÓN DE MULLERES:

MARÍA DOLORES PAZOS OTERO

Asiste tamén a concelleira MARIA JOSÉ BARCIELA BARROS, con voz e sen voto e como oíntes, sen voz nin voto e coa autorización do Consello, Lario Lago Alonso (Comunidade de Montes), Alfonso Rodríguez Pumarez e Santiago Pazos Jorge.

INCIDENCIAS: Non asistiron: JOSÉ DA CUNHA DA CUNHA, representante do grupo municipal do PP e ÁNGEL LAGO GARCÍA, representante da Comunidade de Augas.

Todos/as eles/as asistidos de min, a funcionaria de carreira do Concello, M.^a Goretti González Enes que actúa como secretaria, e que da fe do acto, coa finalidade de celebrar a xuntanza ordinaria do Consello Parroquial de Cabeiro convocada para o día de hoxe, en primeira convocatoria.

A presidenta declara aberta a sesión, pasándose a tratar os puntos da Orde do Dia.

I APROBACIÓN, NO SEU CASO, DA ACTA ANTERIOR

Antes de que a presidenta dea conta da acta da sesión anterior, pide a palabra dona M.^a Ánxelos Babarro Fernández manifestando, en relación á asistencia de terceiras persoas alleas a este Consello, que na acta que se pretende aprobar debería constar por qué acoden estas persoas como oíntes, debendo figurar este tema na orde do día para que quedase regulado.

O representante do grupo municipal de AER, Paulo Medal Fiel, indica que o seu grupo político acordou propón en todos os consellos parroquiais que se realice unha votación que permita a cada consello, de forma independente, decidir se autoriza ou non a participación como oíntes de 3.^a persoas, manifestando que no caso de que se realicen as votacións, AER absterfase.

A presidenta indica que anteriormente o que facían os membros do consello era votar ao comezo das reunións se se autorizaba a permanencia destas persoas na reunión ou non.

Acto seguido, os membros asistentes acordan votar se autorizan a permanencia nesta reunión, sen voz e sen voto, dos veciños da parroquia que se presentaron como oíntes:

A favor: Inés Bastos Alonso (PSOE), Manuel Bastos Bastos (AAVV), Constante Álvarez Álvarez (AAVV), Amante Romero Álvarez (Asoc.Cultural), Cesáreo Álvarez Lago (Asoc. Deportivas), Manuel Fernandez Álvarez (Asoc. Deportivas), Sabino Amoedo Dacosta (Comunidade de Montes); María Dolores Pazos Otero (Asociación de Mulleres).

En contra: M.^a Ánxelos Babarro Fernández (BNG)

Abstencións: Paulo Medal Fiel (AER), Ana Alonso Alonso (Presidenta)

M.^a Ánxelos Babarro Fernández quere deixar constancia de que se non vota a favor non é por estar en contra dos veciños, se non porque considera que a asistencia de 3^a persoas non está prevista no regulamento e o consello debe axustarse ao recollido nel.

Unha vez tratado este asunto, a presidenta dá conta da acta da sesión anterior preguntando aos membros do Consello se teñen algunha observación que facer e se recibiron coa antelación suficiente o borrador da acta, ao que o resto do membros contestan que si.

Non habendo ningunha observación ao respecto, o Consello Parroquial de Cabeiro, por unanimidade dos seus membros, aprobou á acta da xuntanza anterior, correspondente á celebrada con carácter ordinario, o día 18 de decembro de 2013.

2 DAR CONTA DOS ORZAMENTOS PARTICIPATIVOS DO ANO 2013

A presidenta comeza a súa intervención preguntando aos/as asistentes a súa opinión sobre as actuacións levadas a cabo en relación aos orzamentos participativos.

Intervén en primeiro lugar, Amante Romero Álvarez indicando que a valoración está ben pero, en relación ás actuacións levadas a cabo no muro subindo á Quirincosta, comenta que houbo un encarecemento do orzamento inicialmente previsto xa que os metros cadrados que puxo á empresa non son correctos, polo que existen discrepancias entre o que establece a empresa e o que prevía o aparelador municipal, de xeito que aquela estaria cobrando máis do necesario.

Sabino Amoedo Dacosta, representante da Comunidade de Montes manifesta a súa conformidade co dito por Amante Romero indicando que, segundo os seus cálculos, o muro debe ter menos metros dos que di a empresa.

A concelleira M.^a José Barciela Barros indica que vai investigar o asunto e se é necesario, convocarían unha xuntanza extraordinaria.

Por último, Amante Romero Álvarez, en relación ao Camiño da Lousa, que estaba incluído nese orzamento, dá lectura do presupuesto de arranxo e indica que este non inclúe o parque.

A presidenta manifesta que se vai revisar o expediente para ver se está todo correcto e que lle vai indicar ao aparelador que vaia medir o muro.

3 ACLARAR TRES PREGUNTAS QUE SE REALIZARON NO ANTERIOR CONSELLO

A Presidenta, en relación ás preguntas que quedaron pendentes de aclarar no anterior consello, inicia a súa explicación comenzando polo estado do muro existente no cruzamento entre o Camiño do Campiño

e o Camiño do Pío (ao lado do cemiterio de Cabeiro), e dá a coñecer o informe que emitiu o aparelador do Concello, con data de 8 de abril, no que emite a súa valoración sobre a cuestión plantexada polos membros do Consello na anterior reunión e do que dá unha copia aos membros para o seu coñecemento.

Sobre isto, varios membros do Consello manifestan a súas opinións sobre como se debería arranxar o muro para que este non volva a ceder no futuro.

A concelleira M.^a José Barciela Barros indica que cando o bo tempo o permita, o aparelador e o encargado de vías e obras do Concello irán ver a zona e explicaranlle á veciñanza en que estado se atopa e as medidas á adoptar para arranxar as posibles deficiencias.

Así mesmo, manifesta que o técnico garante que a estrada non marchará abaixo áinda que siga a greta.

A continuación e en relación á cuestión que se formulara no anterior consello sobre a axencia de lectura, a presidenta achega o informe que emitiu a secretaria xeral do concello no que pón de manifesto que esta axencia non está rexistrada nin integrada na Rede de Bibliotecas Públicas de Galicia.

Amante Romero Álvarez indica que non está de acordo xa que a asociación vese obrigada a cubrir documentación facendo constar que é unha área de lectura e que dende a Rede de bibliotecas o chaman para que remita as estatísticas, polo que non entende porque llo requiren se é que non está inscrita como din, indicando tamén que os ordenadores son desta Rede.

Ana M.^a Alonso Alonso pregunta se reciben subvencións ou axudas, ao que Amante Romero Álvarez responde que no ano 1993 recibiron do goberno municipal 200.000 pesetas e fai lectura dun documento no que o anterior alcalde solicitaba unha subvención para a axencia de lectura por esta cantidade así como para a realización de actividades de animación á lectura e para materiais.

A presidenta pregunta se hai constancia de que esa subvención foi concedida xa que o documento que presentan é só unha solicitude dunha subvención, polo que hai que acreditar se esta se outorgou e, polo tanto, se foi considerada como biblioteca pública, xa que no Concello só consta unha resolución da Xunta de Galicia que, en resumo di, que a solicitude que se presentara non achegaba toda a documentación requirida, pero non consta se se concedeu ou non. Tamén recomenda que dende a asociación se poñan en contacto coa Rede de Bibliotecas e lles consulten o motivo polo cal lles esixen ás estatísticas.

Maria Dolores Pazos Otero intervén dicindo que non saben se a subvención se concedeu xa que foi o anterior secretario da asociación de veciños, o que se encargaba das xestións, e indica que, en todo caso, se non está inscrita nesta Rede debería inscribirse agora.

A continuación, Amante Romero Álvarez manifesta, por outra banda, que a axuda de 1.200€ que solicitan do Concello para pagar a unha persoa ao obxecto de atender a axencia de lectura é pouca cantidade.

En relación a cuestión pendente relativa ao imposto de bens inmobilés (IBI), intervén o representante da Asociación Cultural indicando que lles fan xustificar que a casa cultural está no monte.

Sabino Amoedo Dacosta indica que antes era monte propiedade, por unha banda da Comunidade de Montes e por outra, dos veciños de Cabeiro que o doaron.

A presidenta insta a que acheguen esa documentación e comunica que a Tesoureira do Concello emitiu un informe no que relaciona as asociacións que figuran no padrón do IBI, entre as que figura o Centro Cultural de Cabeiro e indica que todos os centros culturais están pagando o IBI e que o importe a pagar polo centro cultural de Cabeiro é correcto.

Tamén menciona que este centro solicitou unha exención pero que no expediente falta a documentación requirida para poder obtela.

Amante Romero Álvarez di que a casa cultural está rexistrada a nome da Asociación de Veciños e María Dolores Pazos Otero indica que é así porque a mercou esta Asociación.

Intervén, en relación a isto, Sabino Amoedo Dacosta preguntado porqué está a nome da asociación de veciños, xa que considera que debería estar a nome da comunidade de Montes porque deste xeito non cabería a posibilidade de que se disolvese, tal e como pode suceder coa asociación de veciños.

Sabino Amoedo Dacosta manifesta a súa oposición ao cobro deste imposto porque considera que o traballo que se fai no centro non ten unha finalidade lucrativa xa que realizan actividades, prestan servizos, etc, polo que todos estes centros culturais deberían estar exentos deste imposto.

Amante Romero Álvarez solicita que, polo menos, o importe a pagar do IBI sexa inferior.

En relación á suba do importe, a presidenta explica que non se modificaron os valores, que o incremento que poida haber estaba previsto dende hai 10 anos, porque se establecera que se repartise ao longo deste período.

O representante de AER, Paulo Medal Fiel manifesta que existe un acordo plenario do ano 2011 que prevé a posibilidade de que o Concello revise algúns impostos, entre eles o IBI a través da constitución dun grupo de traballo e que existe unha marxe por parte do Concello para outorgar ou denegar exencións.

A presidenta informa de que se realizou un concurso para mellorar a xestión catastral no concello e que este servizo atópase agora nas oficinas de Recadación.

4 FIXAR OS MESES NOS QUE SE REALIZARÁ O CONSELLO PARROQUIAL

A presidenta propón que as reunións se realicen de forma trimestral, partindo da data desta xuntanza, polo que a proposta é que se realicen na 2.ª semana dos meses de Abril, Xullo, Outubro, Xaneiro.

Sometido este punto a votación, apróbase por unanimidade dos membros presentes.

5 VARIOS

Intervén Amante Romero Álvarez consultando á Presidenta como van as xestións relativas ao saneamento.

Ana M.ª Alonso Alonso informa que ainda hai xente que non quere asinar a cesión dos terreos para realizar a conexión ao saneamento, ante o que Amante Romero Álvarez susire que se só faltan 3 ou 4 persoas por asinar, que se continúen os traballos e que despois paguen os que restan.

En relación ao Camiño do Quirincosta, a presidenta comunica que o saneamento se realizará este ano. Os membros do Consello consideran que o custo previsto para esta obra é moi alto.

A presidenta recalca que o que teñen é só un proxecto polo que o custe da obra pode baixar. Que este proxecto de saneamento prevé dar servizo a futuras vivendas, abarcando ambos lados da estrada e facéndose en base a unha distancia determinada entre cada arqueta e non en relación ás vivendas existentes.

En relación á posibilidade de obrigar á xente para que se conecte ao saneamento, a concelleira M.ª José Barciela Barros indica que actualmente as casas que teñen unha fosa en boas condicións non poden ser obrigadas a engancharse ao saneamento, salvo no suposto de que se acredite que realizan algúns verquidos.

A este respecto, Inés Bastos Alonso pregunta ás concelleiras como se pode facer para denunciar ás casas que vertan residuos, ao que a presidenta lle indica que podería facerse por escrito e a través da presentación de fotos.

A continuación, a presidenta solicita que se indiquen que actuacións queren incluír nos orzamentos participativos deste ano.

Amante Romero Álvarez dá lectura das obras e melloras que necesita a parroquia en base ás queixas que presentaron os veciños a esta asociación, indicando tamén que desexarián que se realizasen antes dos participativos:

- Solicitan que se faga un tramo de saneamento no lugar das Fontiñas para solucionar as verteduras nesa fonte.
 - Camiño da Graña solucionar o mal estado e facer unha arqueta.
 - Solicitan que se arranxe o Camiño dos Covelos porque ten o firme de formigón en moi mal estado .
 - A cuneta do Camiño da Igrexa, cerca do cemiterio está desfeita polo que solicitan que se arranxe e indican que se podería facer en uve.
 - Solicitan que se fagan cunetas no Camiño do Eido Vello por que baixan as augas por el.
 - Solicitan que no Camiño da Coutada Vella se desatope o cano do desaugadoiro atascado que vai por debaixo, fronte a casa Dionisia
 - Comunican a queixa dun veciño pola marquesiña dos Mangoeiros, indicando que pode que haxa un veciño que doa o terreo
 - Solicitan a instalación de taboleiros de anuncios no parque e na marquesiña dos Mangoeiros.
 - Solicitan que no Camiño da Fonte da Agra, onde está unha poza da auga ,se limpe o depósito de terras que fixo o concello ao limpar as cunetas.
 - Solicitan que se arranxe o muro que está fronte o aparcadoiro da casa da Brava porque está caendo a estrada, entre o quitamedos e a casa. O dono está disposto a doar terreo.
 - Solicitáronse varias sinais de tráfico na Parroquia e no monte.
- A concelleira M.^a José Barciela Barros di que para instalar as sinais de tonelaxe hai que facer un estudo. Constante Álvarez Álvarez di que deberían pór un sinal de prohibido aparcar no grupo escolar.
- Solicitan que se asfalte o Camiño das Coviñas porque o formigón está en moi mal estado
 - Comunican que no Camiño dos Cambeiros a xente realiza vertidos que van polo camiño, polo que solicitan que se fagan beirarrúas ou que se lle dea algunha solución, como pór canos para que non vaia polo medio.
 - Solicitan que se asfalte o tramo do muro retirado no Camiño do Barras.
 - Comunican que na estrada de Negros, á altura Camiño da Milixosa, o tubo que atravesa este Camiño e que pasa por debaixo da poza está atascado.
 - Solicitan que se instalen unhas papeleiras no recinto do Centro Cultural.
 - Solicitan que instale un colector de biodegradables.

A presidenta indica aos membros que deben establecer, o antes posible, unha relación dos asuntos prioritarios para poder incluílos nos orzamentos participativos, indicando Amante Romero Álvarez que unha vez que os concreten, daranlle traslado ao concello.

Intervén Paulo Medal Fiel manifestando que este ano o orzamento previsto para os participativos é menor en proporción co do ano pasado, que é un 1% do orzamento do Concello, e que ainda que este ano se modificaron as bases, o resultado final é que non houbo incremento.

Ana M.^a Alonso Alonso indica que o importe previsto si é superior ao anterior, algo que Paulo Medal Fiel contradí insistindo en que se ve dun xeito proporcional, non é así.

A presidenta explica como se fixeron os cálculos en base ao orzamento de 16.000.000 de euros, sen contar cos 2.000.000 que proveñen do FEDER, xa que estes cartos están destinados exclusivamente ao Plan da Marisma, circunstancia que se comunicou na comisión de Facenda que tratou este tema.

Continúa Paulo Medal Fiel dicindo que se o ano pasado se fixesen do mesmo xeito que neste, sería menor e que non é correcto que se modificasen as bases sen decir nada.

M.^a Ánxel Babarro Fernández indica que nesta xuntanza non tocaba falar dos orzamentos participativos e continúa a súa intervención preguntando se todas as parroquias van recibir a mesma cantidade de diñeiro, manifestando que o BNG non está de acordo en que isto sexa así.

Ademais expón que se o Concello xustificaba que os anteriores orzamentos participativos só podían ser de 13000€ por ser o mes de outubro, non pode ser que novamente este ano concedan só 13000€, cando se elaboraron con antelación.

A continuación, Paulo Medal Fiel propón que se someta a votación se se permite a asistencia de 3º persoas aos consellos parroquiais, sen voz nin voto, e que esta proposta sexa incorporada á orde do día da próxima reunión.

Por último, intervén Paulo Medal Fiel propoñendo que as actas dos Consellos se publiquen na páxina web do Concello e no taboleiro de anuncios dos centros culturais.

Sometida esta proposta a votación, apróbase cos votos favorables da maioria dos membros presentes e coa abstención do representante de AER.

E non habendo máis asuntos que tratar, a Presidenta remata a reunión, sendo as dez horas e trinta minutos da data fixada no encabezamento, en proba de todo o que, se estende a presente ACTA, da que, como Secretaria do Consello, DOU FE.

A PRESIDENTA

ANNA M^a ALONSO ALONSO

A SECRETARIA

M.^a GORETTI GONZÁLEZ ENES